



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
UDRUŽENJE PČELARA KOŠNICA VOGOŠĆA
Omladinska 46, Vogošća, Mob: +38761357561; mail: upkosnica@gmail.com

Broj: 01-07-01/21
Vogošća, 06.07.2021. godine

**PRAVILNIK
O UTVRĐIVANJU USLOVA, KRITERIJA I POSTUPAKA ZA OSTVARIVANJE PRAVA NA
DODJELU ROJEVA I PČELARSKE OPREME U PROJEKTU „:“Dodjela rojeva i pčelarske
oprema za nove pčelare putem sufinansiranja na području Općine Vogošća“**

I OSNOVNE ODREDBE

Član 1.

Ovim Pravilnikom utvrđuju se uslovi, kriteriji i postupak za ostvarivanje prava na dodjelu rojeva i pčelarske opreme u projektu "Dodjela rojeva i pčelarske oprema za nove pčelare putem sufinansiranja na području Općine Vogošća" koji se provodi shodno Ugovoru broj: 03-36-1635/20 od 28.05.2021. godine, potpisanom između Općine Vogošća i Udruženja pčelara „Košnica“.

Član 2.

Pravo na učešće u Projektu imaju socijalno i materijalno ugrožene osobe i mlade osobe sa područja općine Vogošća koje posjeduju vlastito zemljište/parcele za smještaj stacionarnog pčelinjaka, ili njihovi članovi uže porodice, s tim da moraju sa njima sklopiti Ugovor o zakupu ili Ugovor o korištenju.

Kroz navedeni projekat biće dodjeljeno 75 rojeva sa opremom za 15 korisnika sa područja općine Vogošća.

II PRAVA UČEŠĆA I USLOVI ZA DODJELU ROJEVA I PČELARSKE OPREME

Član 3.

Podnosioc zahtjeva treba da ispunjava slijedeće uslove:

1. da je nezaposlena osoba ili osoba sa minimalnim primanjima sa prebivalištem na području općine Vogošća,
2. da je upisan u Registar poljoprivrednih gazdinstava i klijenata u Općini Vogošća i da je izvršio ažuriranje podataka za 2021. godinu ili će pokrenuti postupak upisa, a što će potvrditi ovjerenom izjavom da će se upisati u Registar poljoprivrednih gazdinstava i klijenata prije dodjele rojeva i pčelarske opreme,
3. da je podnosilac zahtjeva ili član uže porodice vlasnik ili posjednik poljoprivrednog zemljišta/parcele pogodnog za stacionarni pčelinjak,
4. da u trenutku predaje zahtjeva za učešće u ovom pozivu nema više od 5 pčelinjih zajednica u svom posjedu ili posjedu užeg člana domaćinstva,
5. da sufinansira nabavku rojeva i pčelarske opreme sa 160,00 KM
6. da obavezno prisustvuje edukaciji iz oblasti pčelarstva u trajanju od tri dana.

7. da u posljednjih pet godina nije ostvarivao-la pravo na donaciju, dodjelu ili sufinansiranje nabavke rojeva i pčelarske opreme od Općine, ministarstava, humanitarnih i drugih organizacija,
8. da će dobijene rojeve i opremu zadržati u vlasništvu najmanje 3 godine od potpisivanja Ugovora.

Udruženje pčelara „Košnica“ je nosioc aktivnosti vezanih za realizaciju Projekta.

III KRITERIJI ZA DODJELU ROJEVA I PČELARSKE OPREME

Član 5.

- a) pogodnost poljoprivrednog zemljišta/parcele za smještaj stacionarnog pčelinjaka (utvrđuje Komisija za dodjelu rojeva i pčelarske opreme na licu mjesta), 1-3 boda,
- udaljenost pčelinjaka 20 metara od kategorisanog puta ili granice susjedne parcele, odnosno najmanje 10 metara ako između pčelinjaka i kategorisanog puta, postoji prepreka visine 2,20 metra (zid, objekat, gusto zasađena stabla, živa ograda, ograda bez otvora i drugo), - 1 bod
 - udaljenost pčelinjaka više od 50 metara od kategorisanog puta ili granice susjedne parcele, - 2 boda
 - udaljenost pčelinjaka više od 50 metara od kategorisanog puta ili granice susjedne parcele, 100 metara od proizvođačkih i prerađivačkih pogona i javnih objekata (škole, vrtići, igrališta...), i više od 200 metara od prvog susjednog pčelinjaka - 3 boda

Kandidati kod kojih se na terenu utvrdi da parcele ne ispunjavaju gore navedene pogodnosti neće se bodovati, te se njihove prijave neće uzeti u razmatranje.

b) dodatni bodovi po osnovu pripadnosti jednoj od dole navedenih kategorija:

- podnosilac zahtjeva nezaposlena osoba i koja se nalazi na evidenciji biroa za zapošljavanje – 2 boda
- za svakog punoljetnog nezaposlenog člana porodice, koji se nalazi na evidenciji nezaposlenih osoba Biroa za zapošljavanje – 1 bod,
- za svakog izdržavanog člana porodice (nezaposlene osobe koje se ne nalaze na evidenciji nezaposlenih osoba na Birou za zapošljavanje - domaćice, djeca, učenici i sl.) – 1 bod,
- podnosilac zahtjeva mlada osoba životne dobi do 35 godina – 5 bodova,
- ako je podnosilac zahtjeva samohrani roditelj – 2 boda,
- ako je podnosilac zahtjeva ili uži član domaćinstva (dijete ili bračni drug) osoba sa invaliditetom - 2 boda.
- Ukupan prihod domaćinstva:
 - bez primanja - 7 bodova,
 - ako su primanja po članu domaćinstva do 100,00 KM - 4 boda,
 - ako su primanja po članu domaćinstva do 200,00 KM - 3 boda,
 - ako su primanja po članu domaćinstva do 250,00 KM - 2 boda,
 - ako su primanja po članu domaćinstva do 300,00 KM - 1 bod,
- socijalni aspekt (stanje na terenu, imovno stanje, opći dojam i sl.) od 0 - 3 boda

Kada kandidati pri bodovanju imaju isti broj bodova, prednost će imati kandidati koji imaju status mlade osobe, te višečlane porodice i veći broj nezaposlenih u porodici.

IV POTREBNA DOKUMENTACIJA

Potrebna dokumentacija za dodjelu rojeva i pčelarske opreme:

1. zahtjev za prijavu na Javni poziv,
2. CIPS prijavnica podnosioca zahtjeva (original ili ovjerena kopija),
3. ovjerena kućna lista,
4. dokaz o nezaposlenosti kandidata izdat od Biroa za zapošljavanje,
5. dokaz o nezaposlenosti svih punoljetnih članova porodice izdat od Biroa za zapošljavanje ili neki drugi dokaz o nezaposlenosti (kopirana zdravstvena knjižica),
6. potvrda o visini primanja zaposlenih članova domaćinstva kao i potvrda (ček) o primanju penzionera ukoliko je isti član domaćinstva,
7. potvrda o upisu u RPG i RK iz 2021.godine, izdata od nadležne Službe Općine Vogošća ili ovjerena izjava da će se upisati u Registar poljoprivrednih gazdinstava i klijenata prije dodjele rojeva i pčelarske opreme,
8. vlasništvo ili posjed nad parcelom na koju se namjerava postaviti stacionarni pčelinjak (kopija ZK izvadka ili Posjedovnog lista)
9. dokaz da je samohrani roditelj (smrtni list ili dokaz o razvodu braka ili drugi dokument kojim aplikant može dokazati da je samohrani roditelj),
10. dokaz da je podnosilac zahtjeva ili uži član porodice (dijete ili bračni drug) osoba sa invaliditetom (potvrda ili drugi dokument kojim aplikant dokazuje da je osoba sa invaliditetom),
11. ovjerena izjava da u trenutku predaje zahtjeva za učešće u ovom pozivu nema više od 5 košnica u svom posjedu ili posjedu užeg člana domaćinstva,
12. ovjerena izjava da će korisnik podsticaja dobijene rojeve i pčelarsku opremu zadržati u vlasništvu najmanje 3 godine od potpisivanja Ugovora,
13. ovjerena izjava da podnosilac zahtjeva u posljednjih 5 godina nije ostvario pravo na donaciju, dodjelu ili sufinansiranje nabavke rojeva i pčelarske opreme od Općine, ministarstava, humanitarnih i drugih organizacija,
14. ovjerena izjava da će sufinansirati navavku rojeva i pčelarske opreme sa 160,00 KM , te da će obavezno prisustvovati edukaciji iz oblasti pčelarstva u trajanju od tri dana.

Potrebna izjava za uslove pod rednim brojevima 11.,12.,13. i 14. se podnosi na zajedničkom obrascu „IZJAVA“, koja se može preuzeti na info–pultu Općine Vogošća (šalter sala).

IV IZBOR KANDIDATA

Član 6.

Udruženje pčelara košnica objavljuje Javni poziv za predaju zahtjeva za dodjelu rojeva i pčelarske opreme.

Javni poziv sadrži uslove i kriterije koje kandidat mora ispunjavati, potrebnu dokumentaciju i rok za podnošenje zahtjeva.

Izbor kandidata za dodjelu rojeva i pčelarske opreme vrši se na osnovu pristiglih prijava na Javni poziv.

Član 7.

Upravni odbor Udruženja imenuje Komisiju za dodjelu rojeva i pčelarske opreme.

Zadatak Komisije za dodjelu rojeva i pčelarske opreme:

- pregled prispjelih prijava, evidentiranje kandidata koji ispunjavaju uslove iz Javnog poziva, obavljanje uviđaja na licu mjesta, sačinjavanje liste krajnjih korisnika na osnovu utvrđenih kriterija za bodovanje, te dostavljanje iste Upravnom odboru Udruženja.

Saglasnost na predloženu rang listu kandidata daje Upravni odbor Udruženja na prijedlog Komisije za dodjelu rojeva i pčelarske opreme.

Rang lista odabranih kandidata će biti objavljena na oglasnoj ploči Općine.

Član 8.

Izabrani kandidati potpisuju dvopartitni Ugovor o dodjeli rojeva i pčelarske opreme, kojim će biti regulisana sva dalja međusobna prava i obaveze.

Član 9.

Pravilnik stupa na snagu danom donošenja.

PREDSJEDNIK UDRUŽENJA KOŠNICA

